

SPURNING DAGSINS

Stefán, er ekki hreint rugl að þrifa svona mikið?

„Jú, það er allt best í hófi. Val á réttum hreinsiefnum og áhöldum er hreinlega aðalmálið.“

Stefán Ingi Óskarsson hreinlætisráðgjafi segir hægt að ná ótrúlegum árangri við þrif á aðeins 25 mínútum áður en gesti ber að garði.

Nítján ára sett á skilorð:

Ýtti stúlku og skallaði hana

DÓMSMÁL Nítján ára stúlka hefur verið dæmd í þrjátíu daga skilorðsbundið fangelsi fyrir líkamsárás. Hún skallaði sautján ára stúlku í andlitinu fyrir utan skemmtistaðinn Tropicana við Stórhöfða í Reykjavík í lok janúar. Fórnarlambið marðist á vinstri augabrún og hnakka.

Stúlkan sem réðst á hina hafði áður verið dæmd fyrir sams konar líkamsárás í maí 2006. Þá var refsingu frestað skilorðsbundið í tvö ár, en sá dómur var tekinn upp á ný við ákvörðun refsingar í þessu máli. Hún var þar að auki látin greiða sakarkostnað, rúmar tuttugu þúsund krónur.



NEYÐARKALL Húmanistar komu sér fyrir við utanríkisráðuneytið í gær með borða sem á stóð „SOS KENÍA“. FRÉTTABLAÐIÐ/VALLI

Húmanistar skrifa ráðherra:

Ofbeldi í Kenía verði stöðvað

UTANRÍKISMÁL Íslenskir húmanistar hittust fyrir framan utanríkisráðuneytið í gær. Þeir afhentu ráðuneytisstjóra í fjarveru ráðherra bréf með afstöðu Húmanistahreyfingarinnar í Kenía til ástandsins sem ríkt hefur í landinu undanfarið.

Húmanistar kalla eftir því að ofbeldi í Kenía verði stöðvað eins fljótt og mögulegt er, að því er fram kemur í tilkynningu.

Athöfnin í gær var hluti af alþjóðlegri aðgerð húmanista, sem reyna að þrýsta á deiluaðila í Kenía, ríkisstjórnir og alþjóðastofnanir að bregðast við.

Lögreglan í Frakklandi réðst til atlögu gegn ungum innflytjendum í París:

Tugir manna handteknir

FRAKKLAND, AP Meira en þúsund lögreglumenn fóru á stúfana eld-snemma í gærmorgun og handtöku tugir manna í nokkrum úthverfum Parísar. Hinir handteknir eru flestir á þrítugsaldri og sakaðir um aðild að óeirðunum þar í nóvember síðastliðnum.

Lögreglan fór hús úr hús, braut upp hurðir og óð inn í íbúðir í hverfunum Villiers-le-Bel, Sarcelles, Gonesse og Arnouville, þar sem innflytjendur eru í meirihluta.

Alls voru 35 manns handteknir og höfðu flestir þeirra áður komist í kast við lögregluna fyrir ofbeldisglæpi.

Gagnrýnendur segja aðgerðirnar sýndarmennsku eina, ætlaða til þess að styrkja stöðu Nicolas Sarkozy forseta fyrir sveitarstjórnarkosningar í næsta mánuði.

Lögreglan býst við að þessar harkalegu aðgerðir kalli á frekari óeirðir næstu daga. Í gærkvöld voru því hundruð lögreglumanna í Villiers-le-Bel viðbúnað því að lenda í átökum.

Miklar óeirðir brutust út í Villiers-le-Bel, skammt norðan við París, og næstu hverfum dagana 25. og 26. nóvember eftir að tveir unglingspiltar á vélhjólum létust í árekstri við lögreglubifreið.



VIGALEGIR Hópur lögreglumanna á ferð í Villiers-le-Bel í gær. NORDICPHOTOS/AFP

Strokumál Annþórs:

Enn verið að afla gagna

LÖGREGLUMÁL Ekki tókst að afla allra gagna í strokumáli Annþórs Kristjáns Karlssonar í gær, að sögn Geirs Jóns Þórissonar yfirlögregluþjóns. Þau liggja væntanlega fyrir í dag og verður þá farið yfir málið í heild.

Annþór var færður til geymslu í lögreglustöðinni við Hverfisgötu á fimmtudag. Var það gert til hagræðingar við fangaflutninga, því hann átti að mæta fyrir dómara vegna kröfu lögreglustjóra um framlengingu á gæsluvarðhaldi. Á föstudag purft einnig að flytja hóp fanga frá Litla-Hrauni til Reykjavíkur þar sem kveðinn var upp yfir þeim dómur í Pólstjórnmalinu. - jss



ÚTIGJÖF Hrossin voru á útigjöf þegar hryssan var skotin. Hún fannst liggjandi rétt við þjóðveginn. Fyrst var talið að hún hefði orðið sjálfdaud en það reyndist öðru nær.

Fylfull hryssa fannst skotin í haganum

Þeim brá við, mönnum í Eyja- og Miklaholtshreppi þegar þeir hugðust grafa hryssu sem þeir töldu að hefði orðið sjálfdaud í haganum. Blóð tók að renna úr nösnum hennar við raskið og við nánari athugun sást skotgat á gagnauga hennar.

LÖGREGLUMÁL „Maður er ekki alveg rólegur að vita að eitthvað svona geti verið á ferðinni,“ segir Halldór Sigurkarlsson í Söðulsholti í Eyja- og Miklaholtshreppi. Hann gekk fram á dauða hryssu í stóði nágranna síns á Rauðkollsstöðum í síðustu viku. Þegar betur var að gáð sást að hún hafði verið skotin með riffli í gagnauga. Hryssan var fylfull.

„Ég hélt að hún hefði veikt,“ bætir Halldór við. „Þetta er það síðasta sem manni dettur í hug. Það uppgötvaðist ekki fyrr en strákur hér á næsta bæ ætlaði að fara að grafa hana, að blóð lak úr nösunum á henni. Farið var að skoða hana nánar og þá kom skotgatið í ljós í gagnauganu á henni.“ Halldór kveðst vera með dýrar

skepnur og efnileg tryppi í stóðinu í Söðulsholti og fólk sé uggandi eftir þennan atburð.

„Við vorum alveg grandalausir fyrir þessu og sáum ekki strax hvað var. Við töldum að hrossið hefði drepist í stóðinu eins og einstaka sinnum getur gerst,“ segir Auðunn Óskarsson á Rauðkollsstöðum, eigandi hryssunnar. Hún var sex vetra ræktunarhryssa undan hinum nafntogaða stóðhesti Toppi frá Eyjólfsstöðum. Auðunn segir að búið hafi verið að temja hana og kosta nokkru til við hana.

Hann gaf hrossunum út fyrir ofan bæinn og hryssan lá dauð í haganum um það bil fimmtíu metra frá þjóðvegnum.

Auðunn segir menn hafa verið að gera því skóna að skyttur hafi

villst á hryssunni og ref, hafi hún verið liggjandi. Mögulegt sé talið að þarna hafi verið á ferðinni menn á ljósaveiðum, sem keyrt hafi með ljóskastara í leit að refum. Þá er skotið á augað sem glampar í kastljósinu.

Viðmælendur Fréttablaðsins hafa bent á að veiðar af þessu tagi séu ólöglegar. Bannað sé að skjóta úr bíl. Þá megi ekki skjóta á byggð nema með leyfi landeiganda.

„Maður skilur ekki hugsun þeirra sem þarna hafa verið að verki. Það er óskiljanlegt hvað menn eru að þvælast með skotvopn í svartasta skammdeginu og hundleiðinlegu veðri eins og var á þessum tíma,“ segir Auðunn, sem tilkynnt hefur atburðinn til lögreglu. - jss

Bæjarstjórinn í Fjallabyggð:

Launin hækka um 100 þúsund

SVEITARSTJÓRNIR Laun bæjarstjórans í Fjallabyggð, Þóris Kr. Þórissonar, hafa verið hækkuð úr 700 þúsund krónum í 800 þúsund auk þriggja prósentu verðlags-hækkunar.

„Það er í hæsta máta óeðlilegt og óheppilegt að á þessum tímamarki séu laun hans hækkuð svo langt umfram almennar launahækkunar,“ segir minnihlutinn í bæjarstjórn Fjallabyggðar.

Meirihlutinn segir hins vegar að samburður á launakjörum bæjarstjóra á Norðurlandi hafi sýnt að bæjarstjóri Fjallabyggðar fengi umtalsvert lægri laun en aðrir bæjarstjórnar. - gar



ÞÓRIS KR. ÞÓRISSON

Drög að Íraksskýrslu Breta:

Hvergi minnst á úrslitaatriðið

BRETLAND, AP David Miliband, utanríkisráðherra Bretlands, birti í gær áður óbirt drög að skýrslu um Írak sem upphaflega birtist haustið 2002.

Í drögunum er hvergi að finna þá fullyrðingu, sem stóð í endanlegu skýrslunni, að Írakar séu færir um að skjóta á loft geryðingarvopnum með aðeins 45 mínútna fyrirvara. Breska stjórnin notaði þessa klausu óspart til að rökstyðja nauðsyn þess að gera innrás í Írak haustið 2003.

Gagnrýnendur hafa sagt að starfsfólk á skrifstofu Tonys Blair, þáverandi forsætisráðherra, hafi bætt þessari fullyrðingu inn á síðustu stundu. - gb

Sýningin Vatnsmýrin – hugmyndir um borg nýtur vinsælda:

Mikill áhugi á Vatnsmýrinni

SKIPULAGSMÁL „Það er bara búið að vera stappað,“ segir Guja Dögg Hauksdóttir, sýningarstjóri sýningarinnar Vatnsmýrin – hugmyndir um borg sem nú stendur yfir í Listasafni Reykjavíkur.

„Svona skipulagsplaköt með línunum og strikunum geta verið nokkuð tormelt fyrir fólk svo þegar ég tók sýninguna að mér ákvað ég að reyna gæða þetta lífi með viðburðum eins og pallborðsumræðum, sviðsettu uppboði og öðru slíku.“ Uppboðið fór þannig fram að fólk gat keypt lóðir í Vatnsmýrinni en miðað var við það skipulag sem fylgir vinn-



GUJA DÖGG HAUKSDÓTTIR



ÚR VATNSMÝRINI Mikill áhugi er hjá fólkum að kynna sér framtíð Vatnsmýrinnar. Mönnum gengur þó sitthvað til eins og sannaðist á sviðsettu uppboði þegar maður reyndi að kaupa sem flestar lóðir til að tryggja flugvöllinn í sessi.

ingstillögunni. „Reyndar fór svo að einn sem var á móti því að færa flugvöllinn reyndi að komast yfir sem flestar lóðirnar svo hann gæti tryggt flugvöllinn í sessi en hann gafst svo upp að lokum,“ segir Guja Dögg.

Fiskivikan

mikla í Nóatúni!

998

kr. m.v.

Steinbítur í mango curry

Nóatún mælir með

www.noatun.is

LETTIR PÉR LÍFIÐ